



**МОНГОЛ УЛСЫН
ЦАХИМ ХӨГЖИЛ, ХАРИЛЦАА
ХОЛБООНЫ ЯАМ**

Сүхбаатарын талбай 1, Чингэлтэй дүүрэг,
Улаанбаатар хот, 15160
Утас: 33 07 81, Факс: (976-11) 33 07 80,
Цахим шуудан: info@mddc.gov.mn
Цахим хуудас: www.mddc.gov.mn

2022.12.30. № 03/2373
танай _____-ны № _____-т

**ЭДИЙН ЗАСГИЙН ХӨГЖЛИЙН
ЯАМНЫ ТӨРИЙН НАРИЙН БИЧГИЙН
ДАРГА Х.БАТЖАРГАЛ ТАНАА**

“Монгол Улсын хөгжлийн 2022 оны төлөвлөгөө”, “Монгол Улсыг хөгжүүлэх таван жилийн үндсэн чиглэл” бодлогын баримт бичгийн хэрэгжилтийн тайланд Засгийн газрын 2020 оны 206 дугаар тогтоолоор баталсан “Бодлогын баримт бичигт хяналт-шинжилгээ, үнэлгээ хийх нийтлэг журам”-д заасны дагуу Цахим хөгжил, харилцаа холбооны яамны эрхлэх асуудлын хүрээнд боловсруулан үүгээр хүргүүлж байна.

Хавсралт..... хуудастай.

ТӨРИЙН НАРИЙН
БИЧГИЙН ДАРГА  Ч.ЗОЛБАЯР



1522097417

Цахим хөгжил, харилцаа холбооны яамны
2022 оны 12 дугаар сарын 28-ны өдрийн
2022 дугаар албан бичгийн 1 дүгээр хавсралт

“МОНГОЛ УЛСЫГ 2021-2025 ОНД ХӨГЖҮҮЛЭХ ТАВАН ЖИЛИЙН
ҮНДСЭН ЧИГЛЭЛ”-ИЙН 2022 ОНЫ ЖИЛИЙН ЭЦСИЙН ХЭРЭГЖИЛТЭД
ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН ТЭМДЭГЛЭЛ

(2022 оны 12 дугаар сарын 28-ны өдрийн байдлаар)

Нэг. Хяналт-шинжилгээ, үнэлгээний зорилго

Улсын Их хурлын 2020 оны 23 дугаар тогтоолын 1 дүгээр хавсралтаар батлагдсан “Монгол Улсыг 2021-2025 онд хөгжүүлэх үндсэн чиглэл”-ийн 2022 оны хэрэгжилтийн явцад хяналт-шинжилгээ хийж, гүйцэтгэлийг тавьсан зорилт, хүрэх түвшинтэй харьцуулан хэрэгжилтийн түвшинг тогтоон үр дүнг үнэлэх, зөвлөмж, дүгнэлт гаргах, удирдлагыг үнэн зөв бодитой мэдээллээр хангах, төлөвлөсөн зорилтыг бүрэн биелүүлэхэд дэмжлэг үзүүлэхэд оршино.

Хоёр. Хяналт-шинжилгээ, үнэлгээний арга зүй

Хяналтад авсан зорилт, арга хэмжээнүүдийн хэрэгжилтийн явцад хяналт-шинжилгээ, үр дүнгийн үнэлгээ хийхдээ Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг 7.1-т заасны дагуу зорилт арга хэмжээг үнэлэхдээ шалгуур үзүүлэлт, зорилтот түвшинг хүрсэн түвшинтэй харьцуулан үнэлэв.

Гурав. Хяналт-шинжилгээний үр дүн

“Монгол улсыг 2021-2025 онд хөгжүүлэх таван жилийн үндсэн чиглэл”-ийн баримт бичигт туссан зорилт, арга хэмжээг үнэлэхдээ зорилтот түвшинг хүрсэн түвшинтэй харьцуулан, хяналт-шинжилгээ, үнэлгээний арга зүйг ашиглан үр дүн, нотлох баримтад тулгуурлах зарчмыг баримтлав.

Онцлон дурдахад тус яамны хувьд Улсын Их хурлын 2020 оны 23 дугаар тогтоолын 2 дугаар хавсралтаар батлагдсан Улсын хөрөнгө оруулалтын хөтөлбөрт туссан төсөл арга хэмжээ байхгүй тул бодлогын баримт бичгийн 1 дүгээр хавсралтын хэрэгжилтэд хяналт-шинжилгээ, үнэлгээ хийлээ.

Гурван зорилтын хүрээнд тусгагдсан зургаан арга хэмжээнээс эрчимжүүлэх шаардлагатай нэг арга хэмжээ туссан байна. Өөрөөр хэлбэл Бодлогын баримт бичгийн 7.5-д “Кибер аюулгүй байдлыг хангах хууль, эрх зүйн орчныг бүрдүүлж, технологид суурилсан инновац, интеграцийг хөгжүүлж, эрсдэлийн менежментийн үндэсний чадавхыг бэхжүүлнэ” гэсэн зорилтын хүрээнд туссан “Мэдээлэл, технологи, харилцаа холбооны систем, техник хэрэгсэл, программ хангамжийн үндэсний үйлдвэрлэлийг дэмжсэн тогтолцоо бүрдэж, технологийн хараат байдал буурч, кибер гэмт хэрэг, кибер халдлагатай тэмцэх чадавх дээшилсэн байна” гэх арга хэмжээний хувьд биелэлтийг тайлагнахдаа “Төрийн болон онц чухал мэдээллийн дэд бүтэцтэй байгууллагын кибер халдлага, зөрчилтэй тэмцэх үндэсний төвийг Тагнуулын байгууллагын бүтцэд, хувийн хэвшлийн болон

иргэдийн кибер аюулгүй байдлыг хангахад дэмжлэг үзүүлэх нийтийн төвийг цахим хөгжил, харилцаа холбооны яамны дэргэд байгуулахаар Кибер аюулгүй байдлын тухай хуулиар зохицуулсан. Улмаар Тагнуулын байгууллагатай хамтран Цахим халдлага, зөрчилтэй тэмцэх төв байгуулах ТЭЗҮ боловсруулж, 2022 оны 10 дугаар сарын 12-ны өдөр Улсын Их Хурлын Аюулгүй байдал, гадаад бодлогын байнгын хорооны хуралдаанд танилцуулсан. 2023 оны төсөвт кибер халдлага, зөрчилтэй тэмцэх төв байгуулах, үйл ажиллагааг эхлүүлэхтэй холбоотой хөрөнгө тусгагдаагүй тул удаашралтай байна. Кибер аюулгүй байдлын хуулийн хэрэгжилтийг хангах ажлын хүрээнд хуульд заасан журмын төсөл, аргачлалуудыг боловсруулж, Засгийн газрын ээлжит хуралдаанаар хэлэлцүүлэхээр бэлтгэж байна” гэжээ.

Мөн Хяналт-шинжилгээ хийх явцад яамны нэгжүүдийн ирүүлсэн биелэлтэд зарцуулсан хөрөнгийн хэмжээ болон нотлох баримтыг оновчтой оруулаагүй, нотлох баримтаар оруулсан файлаа нэрлээгүй, 2000 тэмдэгтэд багтаан тайлагнаагүй, зорилт, арга хэмжээ нь хүрсэн түвшинтэйгээ нийцэхгүй, тайланд хяналт-шинжилгээ, үнэлгээ хийх боломжит хугацаа олгоогүй гэх зэрэг зөрчлүүд илэрлээ.

Дөрөв. Дүгнэлт

1.2022 оны жилийн эцсийн байдлаар бодлогын баримт бичигт туссан гурван зорилт зургаан арга хэмжээг нягтлан үзэж, цуглуулсан мэдээ, мэдээлэлд үндэслэн хяналт-шинжилгээ, үнэлгээг хийхэд ерөнхий гүйцэтгэл 85 хувьтай гэж дүгнэгдэв.

2.“Монгол улсыг 2021-2025 онд хөгжүүлэх таван жилийн үндсэн чиглэл”-ийн бодлогын баримт бичигт Цахим хөгжил, харилцаа холбооны сайдын эрхлэх асуудлаар тусгагдсан зорилт, арга хэмжээний хэрэгжилтийн ерөнхий үнэлгээгээр “тодорхой үр дүнд хүрсэн” гэж үзэж байна.

Тав. Санал, зөвлөмж

1.Бодлогын баримт бичгийн нийт зорилт арга хэмжээг 2021-2025 оны хооронд хийхээр төлөвлөсөн зорилтууд тодорхой байгаа боловч, зарим арга хэмжээний хүрэх түвшинг он оноор нь нарийвчлан тусгаж өгөөгүйгээс тухайн жилд ямар ажил хийж гүйцэтгэсэн байхаар тогтоосон нь төдийлөн тодорхойгүй байлаа. Иймд цаашид бодлогын баримт бичгүүд болон бусад төлөвлөлт шаардлагатай бичгүүдэд арга хэмжээний зорилтот түвшин, үр дүнгийн үзүүлэлтийг нарийн ойлгомжтой хэмжигдэхүйц байхаар тусгаж хэвших;

2.Биелэлтийг гаргахдаа Засгийн газрын 2020 оны 206, 374 дүгээр тогтоолд заасны дагуу хугацааг анхаарч нотлох баримттай, үр дүнд суурилсан байдлаар тайлагнаж хэвших шаардлагатай. Заасан хугацааг анхаарч ажиллаагүй албан хаагчид арга хэмжээ авах саналтай байна;

3.Төсвөөс шалтгаалах ажлын төлөвлөгөөг гаргахдаа бодит, дүн шинжилгээтэй, баримтад тулгуурласан хэрэгжихүйц байдлаар төлөвлөж байх;

4.Баримт бичигт туссан төлөвлөгөөний хэрэгжилтийг гаргахдаа харьяа байгууллагуудын нэмэлт мэдээллийг авч тусгаж хэвших.

Жич: Яамны газар, хэлтсийн дарга нар дээрх зөвлөмжүүдийг хүлээн авч, нэгжийн албан хаагчдадаа танилцуулах, танилцуулсан хугацаанаас хойш холбогдох арга хэмжээг авч ажиллах үүрэгтэй болохыг дурдах нь зүйтэй байна



"Монгол улсыг хөгжүүлэх таван жилийн үндсэн чиглэл"-ийн
2022 оны жилийн эцсийн хэрэгжилт

Д/д	Зорилт	Арга хэмжээ	Хэрэгжих хугацаа	Зарцуулсан хөрөнгийн хэмжээ, эх үүсвэр (сая төгрөг)	2021 оны зорилтот түвшин, үр дүнгийн үзүүлэлт	Хүрсэн түвшин, үр дүн	Хэрэгжилтийн хувь
4. ДӨРӨВ. ЭДИЙН ЗАСАГ							
1	4.2. Эдийн засгийн бүтцийн шинэчлэлийг эхлүүлж, өрсөлдөх чадварыг нэмэгдүүлэн, экспортод чиглэсэн хүнд, хөнгөн үйлдвэрлэлийг хөгжүүлнэ.	4.2.5. Мэдээллийн технологийн салбарыг дэмжиж, эдийн засагт оруулах хувь нэмрийг нэмэгдүүлнэ.	2021 - 2025	0		1. "Хувийн хэвшил, төрийн бус байгууллагаар гүйцэтгүүлэх ажил үйлчилгээний талаар авах зарим арга хэмжээний тухай" Засгийн газрын 2022 оны 340 дүгээр тогтоолын хэрэгжилтийг хангах ажлын хүрээнд "Хувийн хэвшил, төрийн бус байгууллагаар хийж гүйцэтгүүлэх боломжтой чиг үүрэг, ажил үйлчилгээний жагсаалт"-ыг боловсруулж, ЗГХЭГ-т 2022 оны 10 дугаар сарын 21-ний өдрийн 01/1808 дугаар албан бичгээр хүргүүлсэн. 2. Төрийн программ хангамжийн худалдан авах ажиллагааг шинэ түвшинд гаргах, үргүй зардлыг бууруулах, бүтээмжийг нэмэгдүүлэх зорилгоор Үндэсний программ хангамжийн их дэлгүүр www.MINDGOLIA.mn системийг 2022 оны 12 дугаар сарын 20-ны өдөр нээж, тус платформд 100 гаруй компанийн 180 орчим бүтээгдэхүүн байршсан ба нээлт хийхээс өмнөх /туршилтын үеэр/ 30 хоногт 5 төрлийн 4,5 тэрбум төгрөгийн системийг 21 аймгийн 248 Ерөнхий боловсролын сургууль төлбөрийг нь төлөх нөхцөлтэйгөөр хэрэглэж, худалдан авсан. 3. Монгол Улсын Засгийн газрын 2022 оны 05 дугаар сарын 11-ний өдрийн 196 дугаар тогтоолоор баталсан "Үндсэн системийн үйл ажиллагааг зохицуулах, систем ашиглаж үйлчилгээ үзүүлэх, мэдээлэл солилцох журам"-ын дагуу Үндсэн систем "ХУР"-тай холбогдох 26 байгууллагын хүсэлтийг хүлээн авч шийдвэрлэсэн.	100%
5. ТАВ. ЗАСАГЛАЛ							
2		5.3.1. Цахим засаглалыг хөгжүүлэх эрх зүйн орчин бүрдэж, хүн амыг өндөр хурдны интернэтийн сүлжээнд холбоно.	2021 - 2025	0		1. "Нийтийн мэдээллийн ил тод байдлын тухай хууль", "Хүний хувийн мэдээллийг хамгаалах тухай хууль", "Кибер аюулгүй байдлын тухай хууль", "Цахим гарын үсгийн тухай хуулийн шинэчилсэн найруулгын тухай хууль"-ийн төслүүд 2021 оны 12 дугаар сарын 17-ны өдөр УИХ -ын чуулганаар хэлэлцэгдэж батлагдсан. Дээрх 4 хуулийг дагаж 37 захиргааны хэм хэмжээний акт батлагдахаас 2022 оны 12 дугаар сарын байдлаар 20-ны өдрийн байдлаар нийт 19-ийг нь батлуулж, 14 төсөлд санал авч байна. 2. Бүх нийтийн үйлчилгээний үүргийн сан болон хувийн хэвшлийн хөрөнгө оруулалтаар нэг аймгийн нэг багт 60км урт шилэн кабель, 3500 амжиргааны түвшин доогуур өрхөд суурин интернэт үйлчилгээгээ хүргэх зорилгоор 154 км урт шилэн кабель тус тус суурилуулж өндөр хурдны өргөн зурвасын суурин интернэт сүлжээг байгуулсан. Мөн алслагдсан 238 багт үүрэн холбооны 4G сүлжээ нэвтрүүлсэн ба нийт 300 мянга орчим иргэн өндөр хурдны хөдөлгөөнт интернэтэд холбогдох, мэдээ, мэдээлэл шуурхай авах, аялагч амрагчид харилцаа холбооны бусад үйлчилгээг саадгүй, шуурхай авах боломжийг бүрдүүлсэн. Хавсралт : 1 файл	80%

3		5.3.2. Цахим мэдээллийн нэгдсэн сан, дэд бүтэц бий болгож хөгжүүлэх нэгдсэн бодлого, төлөвлөлттэй болгоно.	2021 - 2025	13400	<p>1. Монгол Улсын Засгийн газрын 2022 оны 232 дугаар тогтоол "Нээлттэй өгөгдлийн жагсаалт", 200 дугаар тогтоол "Мэдээлэл хариуцагчаас нээлттэй өгөгдөл бий болгох, нийтлэхэд тавигдах шаардлага, ашиглах нөхцөл, журам"-ын хүрээнд нийт 59 байгууллагын 606 нээлттэй өгөгдлийг opendata.gov.mn-д байрлуулахаар төлөвлөснөөс 2022 оны 12 дугаар сарын 20-ны өдрийн байдлаар 56 байгууллагын 518 нээлттэй өгөгдлийг байршуулаад байна.</p> <p>2. Цахим хөгжил, харилцаа холбооны сайд, Үндэсний статистикийн хорооны даргын хамтарсан 2022 оны А/79, А/193 тушаалаар Статистикийн үйл ажиллагаанд хамаарах нийтийн мэдээллийн сангийн нэгдсэн ангилал кодын тайлбарыг баталсан.</p> <p>3. Төрийн их өгөгдлийн сан байгуулах, мэдээллийн нэгдсэн тогтолцоог бий болгох зорилгоор үндэсний өгөгдлийн талаар баримтлах чиглэл боловсруулах, нийтийн мэдээллийн сангийн мета өгөгдлийн системийг үүсгэх шийдэл боловсруулах ажлын хэсгийг Цахим хөгжил, харилцаа холбооны сайд, Үндэсний статистикийн хорооны даргын хамтарсан 2022 оны 12 дүгээр сарын 07-ны өдрийн А/84, А/209 тушаалаар байгуулж, ажиллах удирдамжийг баталсан. Тус ажлын хэсэг нь Монгол Улс дахь их өгөгдлийн суурь нөхцөл байдал, тулгамдаж буй асуудлыг тодорхойлж, олон улсад хэрэгжүүлж буй дэвшилтэд технологийг нэвтрүүлэх, өгөгдлийн нийцтэй байдал, өгөгдлийн урсгалын зургийг гаргах зэрэг ажлыг эхлүүлээд байна.</p> <p>Хавсралт : 2 файл</p>	80%
4	5.3. Мэдээллийн аюулгүй байдлыг хангасан, үр дүнтэй цахим засаглалын бодлогын болон хууль, эрх зүйн орчныг бүрдүүлж, төлөвшүүлнэ.	5.3.3. Төрийн байгууллага хоорондын болон төр, иргэний нийгэм, бизнесийн байгууллагуудын мэдээллийн солилцоо сайжирч, захиргааны зардал бууран, үйлчилгээний үр дүн сайжирна.	2021 - 2025	0	<p>1. "Үндсэн систем, дэмжих системийн техникийн нөхцөл, шаардлага, заавар, аргачлал"-ыг ЦХХХ-ны Сайдын 2022 оны А/64 дүгээр тушаалаар батлагдсан.</p> <p>2. Төрийн байгууллагуудын дотоод удирдлагын нэгдсэн систем (eg.e-mongolia.mn) -д 1'384 төрийн байгууллага, түүний салбар нэгжийг холбож, нийт 20'390 хэрэглэгч тус системээр дамжуулан байгууллага хооронд 167'707 албан бичгийг цахим хэлбэрээр солилцсон байна.</p> <p>3. Монгол Улсын Засгийн газрын 2022 оны 09 дүгээр сарын 14-ний өдрийн хуралдааны 45 дугаар тэмдэглэлээр Төрийн байгууллагын албан хэрэг хөтлөлтөд цахим хэлбэрээр баримт бичиг солилцох нөхцөл бүрдүүлэх, аюулгүй байдлыг хангах асуудлыг судалж, зохих арга хэмжээ авах саналаа танилцуулахыг даалгасны дагуу "Төрийн байгууллагын албан хэрэг хөтлөлтөд цахим хэлбэрээр баримт бичиг солилцох нөхцөл бүрдүүлсэн тухай" арга хэмжээний танилцуулга 2022 оны 12 дугаар сарын 7-ны өдрийн Засгийн гарын хуралдаанд танилцуулагдсан. Албан бичиг солилцооны дундын системд 2022 оны 12 дүгээр сарын 22-ны өдрийн байдлаар 4302 байгууллагын ашиглалдаг 15 систем холбогдсон бөгөөд нийт 8116 бичиг солилцсон байна.</p> <p>Хавсралт : 1 файл</p>	80%

5		5.3.4. Төрийн байгууллагын мэдээллийн ил тод байдал нэмэгдэж, иргэд, олон нийтийн саналыг цахимаар авах нөхцөлийг бүрдүүлнэ.	2021 - 2025	0	<p>1. Нийтийн мэдээллийн ил тод байдлын тухай хуулийг 2021 оны 12 дугаар сарын 17-ны өдрийн УИХ-ын чуулганы хуралдаанаар хэлэлцэн баталсан.</p> <p>2. Иргэдэд төрийн байгууллагаас олгодог баримт бичиг, гэрчилгээ, зөвшөөрөлтэй холбоотой төрөл бүрийн мэдээлэл, мэдэгдлийг "Мэдэгдэл хүргэх систем"-ээр дамжуулан авах боломжийг бүрдүүлж, иргэдэд 2022 оны 05 дугаар сараас 12 дугаар сарын 20 хүртэл нийт 13,464,420 мэдэгдлийг Push Notification, Үндэсний и-мэйл, Хувийн и-мэйлээр хүргэсэн байна.</p> <p>3. Төрийн үйл ажиллагааг цахим хэлбэрээр явуулах, төрийн үйл ажиллагаанд олон нийтийн хяналтыг бий болгож, нээлттэй, ил тод, шуурхай байлгах зорилгоор төр, иргэнийг холбосон мэдээлэл дамжуулах цахим суваг болох "ҮНДЭСНИЙ ЦАХИМ ШУУДАН"-ийн систем /www.mail.e-mongolia.mn/-ийг нэвтрүүлж, 1,6 сая хэрэглэгчид мэдэгдэл хүргэх боломжийг бүрдүүлсэн. Үндэсний цахим шуудангийн системд төрийн захиргааны төв болон төрийн захиргааны байгууллага (193 хаяг)-ын албаны цахим шууданг холбож, өргөдөл, гомдлыг хүлээн авч, хариу хүргүүлэх боломжийг бүрдүүлсэн.</p> <p>4.Төрийн үйлчилгээний нэгдсэн e-mongolia системд "Авилгалтай тэмцэх газарт өргөдөл гомдол гаргах" цэсийг шинээр нэмж, хөгжүүлсэн.</p> <p>5. Монгол Улсын Засгийн газрын 2022 оны 352 дугаар тогтоолоор баталсан "Нээлттэй мэдээллийг ил тод байлгах болон ил тод байдлын шалгуур үзүүлэлт тогтоох, үнэлгээ хийх журам"-ын хүрээнд иргэний мэдээлэл хайх, мэдээлэл хүлээн авах эрхийг хангах зорилгоор мэдээлэл хариуцагч төрийн байгууллагуудын байнга ил тод байх нь зүйтэй гэж 68 төрлийн мэдээллийг ил тод, нээлттэй байлгах аар зохицуулсан. Засгийн газрын хэрэгжүүлэгч, тохируулагч агентлагуудаас санамсаргүй байдлаар 18 байгууллагыг сонгон авч хуулийн хэрэгжилтийг хэрхэн хангаж, цахим хуудсандаа мэдээллийг ил тод байршуулж байгаа явцад үнэлгээ хийсэн. Дунджаар 43,34% үнэлгээтэй байна.</p> <p>6. Цахим оролцоо веб сайтыг хөгжүүлэн иргэд нийгэмд тулгамдаж буй асуудлаар асуулга үүсгэх, уг саналыг дэмжих, дэмжихгүй байх саналыг цахим хэлбэрээр өгөх боломж бүрдүүлсэн.</p> <p>Хавсралт : 1 файл</p>	100%
7. ДОЛОО. АМАР ТАЙВАН, АЮУЛГҮЙ НИЙГЭМ						
6	7.5. Кибер аюулгүй байдлыг хангах хууль, эрх зүйн орчныг бүрдүүлж, технологид суурилсан инновац, интеграцыг хөгжүүлж, эрсдэлийн менежментийн үндэсний чадавхыг бэхжүүлнэ.	7.5.2. Мэдээлэл, технологи, харилцаа холбооны систем, техник хэрэгсэл, программ хангамжийн үндэсний үйлдвэрлэлийг дэмжсэн тогтолцоо бүрдэж, технологийн хараат байдал буурч, кибер гэмт хэрэг, кибер халдлагатай тэмцэх чадавх дээшилсэн байна.	2021 - 2025	0	<p>Тагнуулын байгууллагатай хамтран Цахим халдлага, зөрчилтэй тэмцэх төв байгуулах ТЭЗҮ боловсруулж, 2022 оны 10 дугаар сарын 12-ны өдөр Улсын Их Хурлын Аюулгүй байдал, гадаад бодлогын байнгын хорооны хуралдаанд танилцуулсан. 2023 оны төсөвт кибер халдлага, зөрчилтэй тэмцэх төв байгуулах, үйл ажиллагааг эхлүүлэхтэй холбоотой хөрөнгө тусгагдаагүй тул удаашралтай байна. Кибер аюулгүй байдлын хуулийн хэрэгжилтийг хангах ажлын хүрээнд хуульд заасан журмын төсөл, аргачлалуудыг боловсруулж, Засгийн газрын ээлжит хуралдаанаар хэлэлцүүлэхээр бэлтгэж байна.</p> <p>Хавсралт : 1 файл</p>	70%